



D. O. M.

POSITIONES ANATOMICÆ

ET

CHIRURGICÆ.



A est naturæ, cuique sedulò providæ, lex,  
 ut fœtus utero incarceratus, si quidem non per-  
 fectis ut in adulto organis, aliter & vivat, aliter  
 & crescat. Funem Umbilicalem, quo ventris ejus  
 media pars perforatur, ut sanguinem à matre acci-  
 piat, residuum-que ad eam repellat, mireris.  
 Verùm statim atque respiratione gaudet fœtus, alia est circulatio:  
 funis Umbilicalis ligaturâ stringitur, muscutorum-que abdomina-

lium alternis contractionibus prope abdomen sejungitur : unde cicatrix nodosa , quam Umbilicum vocant.

MULTORUM morborum sedes Umbilicus : hi nempe hæmorrhagia , varices , abscessus , exulcerationes , tumores aquosi , nec rarè Exomphalos , cum debiliore cicatrix partibus contentis aditum præbet.

OMISSIS aliis Umbilici morbis , de Exomphalo tantum agemus. Hujus morbi causam callere , signa detegere & curationem suscipere desideranti , Umbilici structura , valorum , musculorum abdominis , peritonæi & partium circa illud foramen fluctuantium investigatio necessaria.

NON alias ferè mutuatur differentias & denominationes Exomphalos ac alii abdominis Ramices : itaque simplex , si intestinum solum prorumpat , & Enter-omphalos ; si solum omentum , Epiplo-omphalos : compositus tumorem ex intestino & omento conflatum exhibet , & Entero-épiplo-omphalos , aut Epiplo-enter-omphalos nuncupatur : complicatum verò comitantur alii morbi v : g : hydrops , varices , sarcoma , aut accidentia.

INTESTINUM jejunum in Umbilico ut plurimum prominere docet partium situs ; quandòque tamen arcus coli prolapsus experientia comprobatur : nec mirum : mole enim jecoris , vel amplitudine ventriculi illud intestinum deprimitur.

CUR pueri , cur scemina , immò viri obefiores Exomphalo sint magis obnoxii , ex Umbilici cicatricis debilitate , ex graviditate , ex adipe uberiori in involucris & omento liquet.

UMBILICI Ramicum diagnosi & prognosi ad generalem Herniarum descriptionem referuntur. Quid in chirurgiæ exercitio praxis offerat , exponere satius nobis videtur.

IN ipso Umbilico non semper patet Exomphalos , qui circum sæpè sapius , præsertim in adultis , profilit : & ni tumor ultra modum augetur , Umbilici cicatrix perpicua remanet.

CUM pro mole sua compactius omentum includit intestinum ,

Hoc sensibus latet, usquedum strangulationis diagnosi innotescat;

IN Exomphali simplicis curatione duo requirenda, partium nempe prolapsarum repositio & retentio: illa taxi, hæc brachetrio adimpletur: quæ quidem curatio in pueris non rarò radicalis evadit.

PARTIUM repositioni nonnunquam obstant strangulatio, adhæsiō. Tumor tensus & renitens, inflammatio, singultus, vomitus, febris &c. strangulationem denotant. His absentibus, si elapsa partem aut nequaquam in abdomen refundi possint, adhæsiōnem asseras.

ADHÆRENTES vidimus Umbilici Ramices acuminatos, botuli figuram æmulantes, hi verò quamlibet fasciam respuunt, & solam victus rationem exposculant.

PORTENTOSI haud rarò in sceminis & obesioribus videntur Exomphali. Si strangulentur partes elapsæ, in his cum sublevandis properato opus est: sin minus, ea, quæ proruperant, suspensorio, laminâ-ve accommodatâ subjiciantur melius quàm intus reponantur.

SI accidentia Ramicis strangulationem denotent, irrita-que fuerint remedia huic scopo celebranda, ad operationem, quæ quidem hoc in casu rariùs proficit, citò citiùs deveniendum.

EXCISIS tegumentis sacco-que, si adsit, naviter attendendum in Entero-épipo-omphalo ad omnes omenti giros persæpè intestinum multis in locis incarcerantes.

SI ad Epiplo-omphali ingentioris voluminis curationem instituat operatio, ligaturâ ritè peractâ, omentum juxta foramen incidere longè præstat, quàm aliùs dilatare, ut intus refundatur.

IN dilatazione Scalpelli versùs partem sinistram injiciendum: quamvis enim vasa Umbilicalia fiant ligamentosa, quandòque tamen sanguine turgida ad Umbilicum usque in adulto deprehendimus.

4

RADICALEM Exomphali curationem decantaverunt veteres :  
partibus in abdomen repulsis tegumenta filo ligari suadebant ;  
hanc methodum prorsus rejiciendam censemus.

*Has positiones, DEO JUVANTE, & præside M. TUS-  
SANO AMY, Artium & Chirurgiæ Magistro, Noso-  
comii dicti LES INCURABLES, Primario Chirurgo, tueri  
conabitur HONORATUS GABON, Leonicensis, Artium Li-  
beralium Magister, & Nosocomii Parisiensis Chirurgus  
præcipuus.*

P A R I S I I S,

IN REGIIS CHIRURGORUM SCHOLIS.

*Die Sabbati 20<sup>a</sup>. Maii à sesqui-secundâ post meridiem  
ad septimam. Anno Domini 1752.*

P R O A C T U P U B L I C O

E T

S O L E M N I C O O P T A T I O N E.

---

Typis DELAGUETTE Regii Chirurg. Collegii  
Typographi 1752.